



Broj: 11-11-2-1768/25

Datum: 19.09.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U

o dodjeli ugovora drugorangiranom ponuđaču u postupku javne nabavke „Nabavka i sukcesivna isporuka guma“

I.

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka i sukcesivna isporuka guma“, te se ugovor dodjeljuje drugorangiranom ponuđaču „EURO DAM-JAS“ d.o.o. Lukavac, čija cijena ponude (nakon provedene e-Aukcije) iznosi 10.899,00 KM bez PDV-a.

II.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-19/2-11-2-1768/25 od 17.07.2025. godine, kojom je ugovor za navedenu nabavku dodijeljen ponuđaču „UNITRADE“ d.o.o. Ljubuški, čija cijena ponude (nakon provedene e-Aukcije) iznosi 10.000,00 KM bez PDV-a.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Obavezuje se ponuđač iz tačke I. ove odluke da u roku od pet (5) dana od prijema odluke dostavi traženu dokumentaciju navedenu u Tenderskoj dokumentaciji, broj: 11-19/2-11-2-1768/25 od 08.07.2025. godine.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Za izvršenje odluke zadužuje se Sektor za finansije i javne nabavke.

VII.

Odluka stupa na snagu danom donošenja.

Obrazloženje

Federalna uprava policije je provela konkurentski postupak javne nabavke „Nabavka i sukcesivna isporuka guma“, broj Obavještenja o javnoj nabavci: 1412-7-1-150-3-96/25 od 05.06.2025. godine. Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 14.340,43 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Komisija je dana 24.06.2025. godine za postupak javne nabavke „Nabavka i sukcesivna isporuka guma“ izvršila otvaranje ponuda o čemu je sačinjen Zapisnik u koji su uneseni svi elementi predviđeni članom 63. st. (4) i (5) Zakona o javnim nabavkama.

U postupku pregleda i ocjene ponuda utvrđeno je da su zaprimljene četiri (4) blagovremene ponude, i to od ponuđača „Unitrade“ d.o.o. Ljubuški, „RPM GLOB TRADE“ d.o.o. Ljubuški, „GUMA VP 200“ d.o.o. Mostar i „EURO DAM-JAS“ d.o.o. Lukavac, te da nije bilo neblagovremeno zaprimljenih ponuda.

Također je utvrđeno da su ponude ponuđača „Unitrade“ d.o.o. Ljubuški, „GUMA VP 200“ d.o.o. Mostar i „EURO DAM-JAS“ d.o.o. Lukavac prihvatljive, te da iste ispunjavaju sve tražene uvjete iz Tenderske dokumentacije, dok je ponuda ponuđača „RPM GLOB TRADE“ d.o.o. Ljubuški neprihvatljiva odnosno ne ispunjava zahtjeve iz Tenderske dokumentacije u dijelu koji se odnosi na tačku 1.19. Tenderske dokumentacije - na osnovu koje je ponuđač bio obavezan dostaviti potpisanu i ovjerenu izjavu da se obavezuje da će, ukoliko bude izabran, u roku od 10 dana od dana zaključivanja ugovora dostaviti originalnu garanciju za uredno izvršenje ugovora u vidu bezuslovne bankovne garancije prihvatljive od strane Federalne uprave policije u iznosu od 10% vrijednosti ugovora i sa važnošću 35 dana po isteku zaključenog ugovora.

U cilju ispravnosti cijena, Komisija je izvršila matematičku kontrolu prihvatljivih ponuda, te je utvrđeno da su ponude ponuđača „GUMA VP 200“ d.o.o. Mostar i „EURO DAM-JAS“ d.o.o. Lukavac matematički ispravne, a da ponuda ponuđača „Unitrade“ d.o.o. Ljubuški nije matematički ispravna, te se od ponuđača zatražila saglasnost za ispravku računске greške, i to u Obrascu za cijenu ponude-robe ANEX II: pod rednim brojem 4, jedinična cijena 130,96 KM (količina 36). Naveden je zbir 4.714,47 KM, dok je matematički ispravno 4.714,56 KM; te se mijenja ukupan iznos ponude bez PDV-a i ukupan iznos ponude sa PDV-om. Nakon ispravke iznos glasi 12.103,00 KM bez PDV-a, odnosno 14.160,51 KM sa PDV-om.

Nakon dobijanja saglasnosti za ispravku računске greške od ponuđača „Unitrade“ d.o.o. Ljubuški, upućen je dopis Sektoru za finansije i javne nabavke u svrhu zakazivanja i provođenja e-Aukcije.

Od strane Sektora za finansije i javne nabavke dostavljen je Izvještaj o toku i završetku e-Aukcije od 08.07.2025. godine, na osnovu kojeg je utvrđeno da je ponuđač „Unitrade“ d.o.o. Ljubuški u predmetnom postupku dostavio prihvatljivu ponudu u skladu sa Tenderskom dokumentacijom u iznosu od 10.000,00 KM bez PDV-a, a koja je prema kriteriju za izbor ponude (najniža cijena) ocijenjena najpovoljnijom.

S tim u vezi, Komisija je ugovornom organu u konkretnom postupku nabavke dala preporuku o izboru najpovoljnijeg ponuđača „Unitrade“ d.o.o. Ljubuški (Ponuda, broj: 1806/2025 od 18.06.2025.godine), čija cijena ponude nakon provedene e-Aukcije iznosi 10.000,00 KM bez PDV-a odnosno 11.700,00 sa PDV-om, te da se predmetni postupak javne nabavke zaključi u skladu sa članom 69. stav (1) tačka a) Zakona o javnim nabavkama.

Aktom Sektora za finansije i javne nabavke, broj: 19/2-11-2-1768/25 od 15.09.2025. godine, Komisija je obaviještena da izabrani ponuđač „Unitrade“ d.o.o. Ljubuški u

ostavljenom roku nije potpisao dostavljeni mu Ugovor, te da je isti nepotpisan vraćen u Federalnu upravu policije.

S obzirom da je prema Izvještaju o toku i završetku e-Aukcije, broj: 1412-7-1-150/25 od 08.07.2025.godine, drugorangirani ponuđač „EURO DAM-JAS“ d.o.o. Lukavac – sa ponuđenom cijenom za navedenu nabavku u iznosu od 10.899,00 KM bez PDV-a, Komisija je u skladu sa članom 72. stav (3) tačka c) Zakona o javnim nabavkama predložila da se stavi van snage Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-19-11-2-1768/25 od 17.07.2025.godine, te ugovor dodijeli drugorangiranom ponuđaču „EURO DAM-JAS“ d.o.o. Lukavac, čija cijena ponude nakon provedene e-Aukcije iznosi 10.899,00 KM bez PDV-a.

Na osnovu naprijed navedenog, odlučeno je da u dispozitivu.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

V. D. DIREKTOR

(Načelnik SKP-a)

GLAVNI INSPEKTOR

Vahidin Munjić

DOSTAVITI:

- Sektor za finansije i javne nabavke;
- Ponuđačima;
- a/a.-